

潛江舊聞卷之七

崇雅堂叢書

潛江甘鵬雲纂述

潛江設縣改隸緣起

潛江為漢南郡江陵江夏郡竟陵二縣地胡渭禹貢雖指唐大中

十一年以人戶輸納不便置征科巡院於白汭鎮見寰宇記白汭

今縣西四十里五代改曰安遠鎮縣志宋初因之至乾德三年始升

安遠鎮為潛江縣屬荆湖北路江陵府元至元十三年改

江陵府為上路總管府天曆二年改為中興路領潛江如

故隸河南行省荆湖北道明初改中興路為荊州府潛江

仍隸焉至嘉靖十年以安陸州為世廟龍興舊邸升安陸

州為承天府潛江始改隸承天清順治二年改承天府為

潛江舊聞七

崇雅堂叢書

安陸府潛江隸屬仍舊至民國成立取銷府制直隸鄂北

道尹自後裁道尹則直隸湖北省政府矣

潛江水道

朱載震潛江縣志云漢水自嶓冢達襄郢經內方今馬良山至

縣北三十里播為三汭河入于江三汭河一名三江口其一汭東逕

張截港接車墩交景陵境景陵今景陵縣過漢川至大別入江此

水入江之正流也其一汭西南逕夜汭河過雙雁直逕其南流過

直路河至新口為江陵境下達監利境自雙雁下西折一

支為菱芭河歷周家磯直逕其西流至要口分南北汭汭

南至枏角交江陵境汭北交荆門境自要口北折一支逕王東港至鯽魚口即

荆門界先自枏角上三里東折一支為柴家河稍下為楊家

河又先自周家磯直逕其南流為浩口楊家河匯浩口直
逕其下流為江陵境監利境又先至周家磯上一里東折
一支為龔家渠下渠折一支東南逕流深口熊家口二十
里為監利境又折一支西南流過紅碧到交江陵境監利
境此漢水入荆江之支流也其一漢為蘆洲河自蘆洲入楊林直逕其
南流為排沙渡又直逕其南流為縣河縣城郭廬舍濱磯
岸歲苦河水臧盪過縣河為班家灣又直逕其南流為總
口又直逕其南流為許家口下出楊林口為監利境自此下至
新潭出口先自許家口東西折一支十五里為監利境稍
入武昌江自此下匯新潭又先自總口西折一
支為馬丹河十里出直路河河狹斜尋闕又先自縣河東

潛江舊聞七

崇雅堂叢書

折一支為洛江河其排沙渡先為西河逕巴家套過龍淵
入馬市潭南會於蠡子口一入荊州一入沔陽尋闕此漢水由

潛東南入江之別流也

鵬雲按朱志所云漢水至縣北三汊河分為三汊者其一
為正流其二為支津正流迄今雖畧有移徙而經流如故
無大變更至分流之夜漢蘆洲兩河自康熙迄今已二百
餘年不特河流變更無常即名目亦多改易故就朱志所
載以求今日水道頗多不合茲特具述現在水道詳其脉
絡著其變遷一疏證朱志之異同俾異日談潛江水道者
有所考焉

朱志所云一漢西南逕夜漢河者即澤口河也自咸豐年

間澤口上五里吳灘潰決而澤口遂淤於是漢水分流之
入夜漢河者不自澤口而自吳灘潰口矣今名吳家改口
夜漢河由吳家改口而南傍黃家場過陶朱鋪經田關所
謂陶朱鋪田關者即朱志所謂雙雁也今無雙雁之名自
田關而下東折一支爲梅家嘴又東爲楊家場稍南爲蓮
花寺又東爲胡家場南流逕直路河至新口入江陵境下
交監利境即朱志所謂由雙雁過直路河至新口者也自
田關而下西折一支爲西荆河即朱志所謂芟芭河也歷
周家磯過高家場西至張么嘴分二支一支南折爲浩口
一支北折而西至要口又分二漢由漢而北逕王東港至
鯽魚口入荆門界由漢而南五里許又分二支一支北折

潛江舊聞七

三

崇雅堂叢書

西行由彭家河出蝴蝶嘴入荆門州之長湖一支南行爲
文昌河逕至枏角廟爲江陵界即朱志所謂要口分南北
漢漢南至枏角交江陵境漢北交荆門境也自枏角上三
里東折一支爲柴家河稍下爲楊家河楊家河之水滙浩
口經江陵監利兩縣境達江自周家磯而下地形地名均
與康熙時無異惟朱志所謂自周家磯上一里東折一支
爲龔家渠者今已淤成高壤其河流則改由渠南之沙河
子至劉申口朱志作流深口分爲二支一支東南折至熊口朱志作熊
家入江陵縣境一支西南折逕新楊場馬家場與鄉林湖
紅碧剝水滙流至何家嘴入江陵縣境

朱志所云一漢爲蘆沱河者即潛水也蘆沱本爲漢水分

流順治十六年潛沔人塞之下流雖通上源絕矣所云自
蘆泆河入楊林者即今沙窩竹根灘河也自竹根灘南流
爲排沙渡自排沙渡南流爲縣河一名東河朱志云縣城
濱磯岸今已距城較遠非舊迹矣由縣河南流爲班家灣
逕劉家場出池家灣過沔陽境入于江此今蘆泆河之經
流也朱志所云由班家灣南流爲總口又南爲許家口下
出楊林口者乃康熙時水道與今日水道不同蓋自黃漢
下耳破堤成河之後河遂改道耳至其支流約分三支一
支由排沙渡下三里折而東流爲通順河康熙五年所開經泗合
場深江站過天門縣毛家嘴沔陽州仙桃鎮達江一支由
縣河分支東流爲洛江河逕莫老潭抵深江站南流至鮑

潛江舊聞七

四 崇雅堂叢書

子壩又東流至天門石碑埠經沔陽州境達江今湮一支
由縣河南下二里分支東流爲恩江河明嘉靖二年知縣
縣教鉞所開經
官皇莊地東流逕左家場過謝家場入沔陽州境達江今
湮至朱志所謂自許家口東西折一支十五里經監利至
柏口之水今已不與縣河同流所謂自總口西折一支之
馬丹河以及經巴家套過龍淵入馬市潭之西河今已莫
知其處蓋由康熙迄今地名改易故舊迹不可尋耳

書敖侯開河事

先人敝廬在潛江北關外與縣儒學密邇鵬雲童幼時先
通議公指示曰此地有明正嘉時乃縣河耳東北護壩隄
塔坍塌垂盡水沒城脚若非敖侯建開河之議引水東行

潛城沈沒久矣我甘氏焉能累世宅居於此潛人受賢侯之賜無窮年且湮誰復知者小子識之爾時雲稚齒未能得侯政績之詳然固心知侯爲循吏也比稍長得讀侯疏奏懇至而悱惻道民情甚哀爲之感歎咨嗟不能自己繼而讀竟陵魯文恪公集記侯開河始末甚具益信侯治蹟卓然乳哺我潛人用意殷勤甚厚今河雖湮沒而遺愛仍留爰書其事以諭後之爲民牧者侯名鉞字秉之高安人也嘉靖初元以舉人除潛江知縣到官纔三日水大至四境穰舟縣衙懇災市人騎屋以居官廨民廬盡圯男婦吞納水口無算侯急發庾粟賑民又疏於朝請減免錢糧憑高望淤洲激水曰此不河之乃河我縣治乎父老曰洲屬

潛江舊聞七

五

崇雅堂叢書

皇莊奈何曰吾爲若請之乃上疏曰題爲懇乞天恩開挖皇莊淤洲消除水患圖存縣治急救生靈事本縣建治直襄漢下流地勢最低建置之初潛水從排沙口經縣治北西流而南會於罈子口一入荊州一入沔陽天順年間排沙口淤塞而高家腦決流經縣東亦會於罈子口而分新河沖開之時去縣約里許後因高家腦淤洲歲漸高起突出江中激水西射縣治東北隄岸橫被齧割以次崩塌僅餘城脚尙又折裂勢甚難支隄內先因取土築隄窪下成塘江水平隄時水面高於城中地面凡一二丈許東隄一決水卽內灌一川之瀉勢若天來虛腹受侵豈能吞納學舍公署迎浪而倒居民室廬悉不能存而一邑生靈皆將

爲魚鼈矣方今冬水消涸暫保目前延至明春江漲何堪
設想臣目覩心憂不遑安處往復相視惟有將高家腦淤
洲挖開取河流順下方可以殺水勢舍此不爲萬難圖存
但沿江淤洲盡屬皇莊豈敢擅便臣伏思之陛下龍飛當
天四海一家尺地莫非其有何少此洲且一洲之子粒視
一邑之生靈孰重愛子粒而存一洲視愛生靈而存一邑
孰大伏望准臣所言許臣於冬水涸時併工開挖則水勢
可殺縣治可存生靈可保此蓋數十年積患以遺於臣萬
分迫切不敢緘默臣敢欺誑臣甘萬死疏奏允所請於是
集民夫開皇莊河通人聞之歸者相望於途爭持畚鍤而
至侯則源委水道得爲淤爲齧之餘乃傍洲劉黃漢之礙

潛江舊聞七

六

崇雅堂叢書

爲河七百丈直亘排沙又循河左右岸因土而隄之肇工
於嘉靖二年二月以四月訖工水乃帖然安流近治無復
崩齧民安厥居乃相與歌曰轉危爲安兮敖公有江公如
可借兮我終無殃蓋欲以敖名江也侯聞而諭之曰不可
恩潛人者朝廷也宜名恩江以誌不諼我何力之有焉未
幾侯以艱去潛人攀臥不能留乃立碑恩江河上以旌侯
功德而丐竟陵魯文恪公鐸文其碑文恪之言曰儒之爲
貴貴其學有用也學誠有用則獲上治民大至裁輔贊參
皆此在也今敖侯之救敝興理其敷奏中務當宁矜從獲
上也窮迫舒甦亡逋親附得民也水從其道邑固人恬裁
輔贊參之功也非有用之學能至是哉記侯政績而稱其

學之有用可謂知本之論矣然吾以爲侯學有用固已而實基於不忍人之心以不忍人之心行不忍人之政然後能獲乎上而信於民而學之有用乃益見如教侯者殆其人歟殆其人歟

潛沔水患爲明季閩人之遺禍

潛沔介江漢之間歲歲苦水而苦漢水尤甚顧漢水之禍潛沔人知之而其爲明季閩人之遺禍人或有所未知在明正嘉以前漢水支流特多其上游有鐵牛關獅子口凹口操家口小河口丁家河自是而下有泗港張截港再下則有黑流渡漁泛泮牛蹄支河此皆在漢水北岸者其南岸則有夜汊河蘆泖河南北兩岸有十三支流以殺漢水

潛江舊聞七

七 崇雅堂叢書

之勢故水勢寬緩而無患迨隆慶年間守陵太監首創護陵之議修築長隄橫阻鐵牛關水口而獅子口凹口操家口小河口丁家河泗港亦均次第堵塞其說曰此數口不築恐漢水衝刷陵寢危言聳聽故朝廷從之不知出於太府之私圖也蓋興邸皇莊租稞皆太監管理但知私圖己利不慮與水爭地將遺害無窮而富人之侵佔湖地者復倚閩人爲援次第堵塞張截港黑流渡漁泛泮牛蹄口而漢水北岸之支流無一存者矣其藉以洩漢水之勢者僅南岸夜汊河蘆泖河兩支流耳以襄水綿延數千里而來但恃一二支流受眾水之委其逆流衝決固無足怪曲防病民民深苦之以故萬曆二年景陵縣民鄧紳等有開濬

支河故道之請而巡撫趙賢有請開穴口復故道之疏既得請而操家口小河口泗港舊河始次第開濬疏載潛江縣志水勢既分水患漸減民稍蘇息自後潛江知縣曹珩潘之祥於萬曆二十六年二十八年先後開濬泗港河以防壅塞然非景人所願以故萬曆四十二年潛江知縣王念祖太僕少卿歐陽東鳳復請開泗港河而景陵周尙書嘉謨阻之中官丁朝用則仍假護陵爲名主張堵塞嘉謨奏上遂報可外廷內朝如響斯應而泗港無開疏之望矣自是而後水患皆在漢南潛沔天監民苦之於順治十六年會請築蘆泐河以斷絕上源而漢水南岸之支河又去其一矣僅夜汊河一口洩漢水之洪流寔不能容豈待問哉稍有

潛江舊聞七

崇雅堂叢書

識知皆洞悉曲防之厲民莫不主張疏濬者康熙五十九年御史劉政奏請廢鍾隄開古河乾隆九年御史張漢奏請開向口操家口泗港通順諸支河陳中丞議亦同道光十三年鍾祥縣民樊清元等請開富民河十九年鍾祥縣民李泰齊等請開鐵牛關支河均見荆楚修疏指要可見疏濬支河爲士夫之公議人民之心理不特爲治漢之良策而已且李泰齊之言曰曲防禍鄰爲明季之遺弊閹宦之私圖因循已二百餘年易轍改絃正在今日其欲鏟除流毒用意甚盛無如富豪侵占以自私習俗積重而難返開濬故道或徒存此一說而不果行而人民之頻罹水災乃至相尋而未有已推原禍始未嘗不太息痛恨於閹人之作俑也昔吾師

龐綱堂先生語余曰前明雖有宦官之禍然明社既墟宦官之禍亦止獨襄水下游至今猶罹前明宦官之禍歷數百年而不止真所謂禍及後世者予每誦其言而悲之予潛人也親罹昏墊之慘爰略考漢水支流及築塞本末一證成龐先生之說俾鄉人談漢水利害者有所考焉

泗港開塞始末

泗港在潛江城西北原為漢水支流經竟陵入三台龍骨大松諸湖隆慶年間守陵太監欲盡塞漢北諸支流以護顯陵為名奏上報可而上游鐵牛關白口操家口諸支河遂塞而泗港亦塞支流少水無所容隄屢決民大病萬厯二年巡撫都御史趙賢疏請開穴口復故道上允所請檄

潛江舊聞七

九

崇雅堂叢書

潛江知縣李之珍濬開泗港舊河濶五丈左右岸築順水隄各延三千五百丈二十六年二十八年知縣曹珩潘之祥先後濬修泗港水道近港市豪緣閹豎為奸塞之四十二年知縣王念祖軫念民艱復建議疏泗港河請於直指使者錢公椿許之工既興矣而竟陵周尙書嘉謨馳書直指止之書云不佞非公正不發憤者也泗港一隄原奉聖旨修築而足下誤聽潛令王生言妄為開掘勿論不佞田產宅第盡受其害即先人遺骸亦遭其沒做縣若陳君所學徐君成位素以名義為重昨迫切相告皆出于萬不得已而足下乃以公字為名痛加喝叱此皆潛令王生一偏之言所致也近聞兌軍之改永鎮觀之作不佞亦望風承惠矣但泗港一隄還望再加築塞倘其堅執不佞他有舉動豈不更煩台慮乎直指覆書深自引咎覆書畧云椿以勿沖之年當茲巡方重任故行爲全不以一字相聞又父老祇赴都院告理故加開掘惟取其有利于潛而豈知有害于景一至此極也昨奉華翰愧

報無地永鎮觀之作捐俸三千餘兩又椿之將功贖罪也
惟俟永鎮觀功成後卽加築塞泗港不煩台臺過慮也
時潛江太僕少卿歐陽公東鳳在告馳書承天府知府論
泗港開塞之利害甚具略謂潛江江漢間一澤國也上流
澎湃下口壅塞水一入潛永無出路而泗港一河原爲宣
洩故道方在勘議而景陵士民遽加撓阻大都謂泗港淤
塞多年一旦議開則永鎮之害未杜泗港之水又來走請
就其言爲竟陵謀之夫景陵之害莫大於永鎮然必下流
疏通吞納有地而後永鎮可築築亦可保若水口壅塞則
萬里奔流之水束于一縷之河恐永鎮之害終無了期矣
景陵士民知永鎮之害而怯于夫力之費遂置永鎮而專
議泗港若曰永鎮之費旣省而泗港之水不來則計莫便

潛江舊聞七

十

崇雅堂叢書

於此夫水必有所歸不來于景必往于潛矣景陵亦當平
心設處我阻其來誰肯獨當其往乎況其來也不過以景
陵應洩之上流還洩於原有之故道非潛江之水而以景
爲壑也亦非先本無河而創議自今也又不過假道景陵
以達於江非如潛江之入而不能出也來而有所洩卽來
何害開而於永鎮有濟則開反爲利不講人已兩利經久
可行之完策而謬執損人自便苟安目前之頗論其於利
害之際抑何忒忒也泗港自萬曆初年奉旨疏濬屢塞屢
開河身依然船賈通行而詭稱淤塞多年以抹殺明旨此
其咎不專在景陵蓋近港居民豪有力者以港塞而後京
景穀船緣隄住泊賴以致富恐開則船隻徑行無由得利

故璫焰方熾則倚太府爲崇璫勢稍衰則藉景陵爲援景陵士紳居處遙逝不知利害關係初不在此故墮其術中而莫悟耳伏乞轉行勘議疏排與曲防孰公孰私泗港距景與潛孰遠孰近潛北沿河街市有無崩塌而土田與城市孰輕孰重開故道以自救與壅水口以病鄰孰是孰非潛江四面皆汙池與景陵半壁皆沃壤者孰苦孰樂從公分剖以息鬪爭幸甚又馳書兩院略云水無全利亦無全害通之則利壅之則害分受則利獨衝則害去而有所洩則利來而不能出則害故神禹先疏濬而霸主禁曲防此利害得失之大較也潛江泗港離縣治纔二十餘里有古河一道分洩上流以達於江蓋水必由地中行而後勢無

潛江舊聞七

十一

崇雅堂叢書

橫溢民免昏墊所從來久矣曩者潛景之議常出於一故趙大中丞題請疏濬亦據景人鄧紳等之條陳原任兵科給事中劉鉉之疏議非專爲潛江而開也其後附港市豪有利于築口以停商船而私壟斷者夤緣太府持議堵塞無何而曹尹開之已復塞而潘令更開其塞也實藉太府司校爲崇其開也亦由敝縣官民主持未聞景陵出一言阻之也三四年間豪民見太府虐斂稍衰遂改而倚景陵爲重景陵士民墮其術中潛景之議始歧而爲二矣然亦自知病鄰甘言俛求未嘗顯詆潛江之爲非也至今日是非愈淆囂競益甚潛江以塞爲病潛而景陵以開爲病景夫使水而果由潛江以入景也則潛江何敢損人以自利

然而水之經行自有故道也由承天而下一支從泗港通景陵一支從夜汊通縣西以達監利一支從蘆汊徑通潛江今潛江既已受蘆汊夜汊之水矣而應通景陵之水必欲障之以注於潛不知潛以景爲壑乎抑景以潛爲壑乎不知疏故道者爲病鄰乎抑曲防者爲病鄰乎何其不自反也又使果有利於景無損於潛也潛江何苦過分畛域浪費脣舌然而今之潛江非昔之潛江也十年以前宣洩有路猶可代景受水今監利沔陽瀘水諸湖俱已淤塞一大入于潛永無消除之期夫假道景陵以達大江景陵猶不肯受乃驅其來而有所洩之水以注於入而不能出之潛豈景陵土地有稅糧而潛江獨無稅糧乎景陵士紳有廬

潛江舊聞七

三 崇雅堂叢書

舍墳墓而潛江獨無廬舍墳墓乎何其不怨也泗港密邇縣治一隄橫巨水流迅直每逢夏秋水漲由蘆汊直衝城北迤東一帶逐年崩塌迫近城脚相去纔十餘丈耳年復一年不知將來作何景象田土爲輕城郭爲重故潛江士民憂在眉睫乃景陵遠在百餘里外以由泗港迂迴達江亦藉口衝城冀以聳聽何其不情也十年之內曹尹潘令目擊潛民困苦兩次既開河身如故而曰淤塞年久何其誕而無稽也景人言景潛人言潛令景者爲景令潛者爲潛此人情所必至無足爲怪若景人既越境以防川又先人以防口居已於利而嫁禍於人則義之所不出也鳳自忘葑菲粗陳梗概伏乞台憲委官查勘同一澤國也水自

承天而來景陵何以不當分洩而潛江何以獨當并注同一赤子也景陵何以防水病鄰而潛江何以代鄰受病同一水也兩縣均有近港田土涓滴入景陵既曰莫大之害而潛江何以有淤田之利相去百餘里之景陵既恐衝城而二十餘里之潛江何以獨無漏戶之憂如一語無驗鳳當與父老子弟同受斧鉞之誅兩院得書知其詞直無以難之然業許周尙書未便再主疏濬卒塞之後遂無議開者

潛江未設縣以前之兵事

清一統志云揚口壘在潛江縣西北按潛江未設縣以前揚口壘隸荊州東晉初築城於此防賊衝蓋衝要地也通

潛江舊聞七

三

崇雅堂叢書

鑑晉建武元年王廙將赴荊州留長史劉浚鎮揚口壘竟陵內史朱伺謂廙曰杜曾猾賊也外示屈服欲誘官軍使西然後兼道襲揚口耳宜大部分未可便西廙不聽遂西行曾等果還趨揚口廙乃遣伺歸裁至壘即為曾所圍劉浚自守北門使伺守南門曾攻陷北門伺被傷退入船底以出沈行五十步乃得免曾遣人說伺降伺報曰吾年六十餘不能復與卿作賊乃就王廙於甌山病創而卒卷九此事雖在潛江未設縣以前然其地則在潛江縣域以內十纂修潛江縣志應有兵事一門如追敘兵事緣起此事不可遺

潛江在宋時不聞有兵禍載籍缺如無可紀者迨有元末造乃有姜珏據城事至吳元年太祖克僞漢城乃復越二百餘年而有李自成之亂自成起陝西竄湖廣破襄樊崇禎十六年癸未正月破承天巡撫宋一鶴留守司沈壽崇鍾祥知縣蕭漢死之六月初十日遣賊將陳良保偕同僞令趙國珍分兵巡潛所過屠掠村落爲墟邑諸生楊自騰督鄉團迎戰於京山之喬旺口相持三晝夜氣銳甚殺賊數百人賊僞退自騰追之伏起團勇無繼者遂潰自騰被執罵不絕聲賊斷其舌以死當是時率鄉團守潛城者爲邑孝廉歐陽燧慷慨登陴誓衆死守守具粗設而賊攻之急力不支城遂陷衆潰走賊追至沱川埠燧被執賊欲降之燧不屈遂遇害柴應參亦以諸生募鄉團拒賊不勝死之時又有朱士完劉諒國兩人者亦以死賊難聞方賊之陷潛也游騎四出遇人無少長輒殺之遇士紳則先斷其右手名曰斫文以此死難者甚衆其姓名不可悉知也烏乎值天地易位蛇蝎橫行之日潛以蕞爾邑猶有若而人成仁取義舍命不渝亦可見人心之不死正氣之長存矣

潛江鄉團助勦白蓮教匪記

嘉慶元年白蓮教匪起蜀中竄湖北施宜鄖襄奸民蠶起應之蔓延寢廣承平日久將不知兵匪蹤所至如入無人之境莫能禦者自襄宜而下躡鍾祥躡荆門勢將及潛以窺荆州潛人大恐謀練鄉團自保而長湖皖諸生吳樹柄

爲之魁集鄉團數千分防潛西南境嚴紀律勤訓練明賞罰人心稍稍定未幾荊州大軍至樹柄率鄉團助之三面堵勦殲匪數千人賊奪氣宵遁由是匪不敢逾潛江而西而施宜鄖襄一帶匪鴟張如故其窺伺荊州之狡謀仍日夕思逞而未已以此潛人防之特甚西北一隅亦練鄉團備不虞主其事者爲長樂院武舉人朱誠而董勃萬謝天翱陳其倫唐正文汪孝全謝天翔黃樹昭李忠唐等佐之三年四月匪首張翰朝率衆數千自房縣南犯竄踞張壩徑荆潛邊境也誠聞警率鄉團屯淳佑湖扼其衝與賊相持數十日賊不敢逞而其後隊謀由沙洋編筏渡河而南誠患之謝天翱曰無慮彼渡河將不利翱蓋以奇門術決

潛江舊聞七

五

崇雅堂叢書

之後果然纔半渡水暴漲狂風猝起筏遽沈多溺死者餘衆回竄陣壘動搖誠與董勃萬等督鄉團分左右翼撲其營賊潰走追至荆門三尖山官軍乘之賊衆坐困首尾不相救遂殲焉夫張翰朝之率賊衆南下也謀窺荊州耳意不在潛乃爲潛之鄉團所敗然則鄉團果得人何渠不可以成功而談兵者顧少之以爲鄉團不可用殆非篤論也是役也朱誠倡勇敢不畏死功最高而董勃萬之功亦有不可沒者相傳初撲賊營也勃萬斷大木二各長五六尺塗以煙煤左右掖之突出陣前賊望見以爲力挾兩礮也遂驚潰此事雖不可爲訓然兵不厭詐故作不經之事以消敵耳目古之人有行之者矣孫臏滅竈道濟量沙是也

勃萬挾木礮亦其類耳縣志稱勃萬骨相奇偉沈毅有謀略匪之平也歸功朱誠不受賞其退讓不伐尤爲鄉人所稱云

潛江鄉團防堵髮匪記

咸豐二年壬子冬髮匪陷省城三年癸丑春分股上竄土匪蠱起應之襄河上下游無甯日矣四年甲寅二月初一日四川潰勇突至潛踞關廟謀作亂初四日夜半匪黨沿城縱火守城把總田達三邑紳關長福率兵勇圍之匪礮傷長福右肩突圍東走達三率衆追之手及數十人餘衆始潰散然潛城久圯無可守又沔陽鍾祥京山天門相繼陷匪蹤徧地一日數警人人喘恐三月匪焚劉家場知縣

潛江舊聞七

六 崇雅堂叢書

龔煥枝諭城鄉紳董練鄉團自衛遣高家場巡檢葛寶森求援於荊州將軍官文檄調松潘鎮雙總兵率兵入潛會勦兵未至潛城陷時四月初二日也至五月廿三日雙總兵以兵來潛城始克復方潛城之未復也人民受禍甚慘西鄉團防之以禦匪死者爲數尤多先是西鄉紳董唐廷鑑董燻國戴自培等奉諭辦團防召集長樂鎮十五垸紳耆會議議分六團團有首每團十旗旗有長每旗百人羣推董燻國總其事燻國有幹才慷慨喜談兵承其先世董勃萬餘威負鄉里重望故咸推重焉燻國旣受任則募壯丁籌餉械嚴號令明賞罰以長樂鎮爲策源地六團則分區駐紮董其灼謝心治等屯王家場董思杭董化南等屯

港口董藍田張永煊等屯白鶴寺唐廷鑑等屯漳湖坑董
玉魁等屯卸甲埠而熺國則與戴自培董學純董其棗等
屯長樂鎮各團分任戰守責問警互爲聲援熺國居中策
應部署既定聞潛城失守熺國將入救逆突分水陸上竄
抵蚌湖熺國分調各團擊逆於蚌湖殲六十餘人則四月
初十日也十三日復擊逆多寶灣殲九十餘人而逆衆轉
增水陸並進凡數萬人期以全力犯長樂鎮十五日熺國
遣董玉魁等擊逆李家洲玉魁則以輕舟數百艘亂流徑
渡奮勇攻勦逆棗舟登陸鏖戰至日暮約次日由卸甲埠
直攻逆營逆宵遁玉魁復同董化南等輕舟追之又敗諸
河殲四百餘人燬逆船三十三獲米船二十五米五百餘

潛江舊聞七

七

崇雅堂叢書

石糖百餘桶硝百三十包騾馬三十餘匹器械甲仗無算
逆復招集餘黨嘯聚乾河二十九日勦逆於乾河殲三百
餘人先後擒逆探六七十人誅之而唐廷鑑亦禦逆於西
河殲逆目李八並逆黨百餘人五月初一日逆傾衆來犯
熺國分遣水陸會勦又大創之殲九百餘人逆勢窮將遁
矣會別股悍匪自京山鍾祥分途來援逆勢頓壯復反攻
熺國指揮團勇奮力抵禦殲逆首三十餘人逆黨三百餘
人忽大礮轟裂水漲風作逆連檣而進前後夾攻鄉團無
繼者遂潰董熺國戴自培唐廷鑑董然國董學純董其彥
等死之是役也力戰死者千餘自刎者數十投河死者數
百婦女盡節者千餘老弱遇害者數百計死三千七百餘

人事上聞蒙優卹團首予世陰賜銀祭葬死難人民從祀
省垣昭忠祠本地建義勇祠邑令龔煥枝設壇致祭以慰
忠魂焉

祭文見
邑志

自髮逆竄踞武漢縱兵四掠匪蹤所至勢
如破竹無敢抗者獨潛江六團慷慨倡義誓櫻兇鋒蹈白
刃而不悔功雖弗究然旁邑聞風興起相率招集鄉團更
迭拒賊官軍恢復省垣亦資勇力爲多謂非潛江六團有
以作之氣耶潛城旣復邑紳劉永彥張炳郭美彥等議合
城鄉辦團練併力防堵時濱漢州縣多陷於賊七月雙總
兵率所部勦匪於天門邑紳萬時淳劉崔然楊玉成范明
紱張開晉李升墉等率練勇千餘人爲鄉導兵勇至漁新
河逆艘數十自上游突至兵勇截擊敗之追至江家橋與

潛江舊聞七

夫

崇雅堂叢書

逆隔河相持明日奮勇濟河連戰皆捷遂復天門縣城恐
逆回竄留潛勇防守天門團練成立潛勇始凱還是役也
潛江練勇陣亡纔三人耳餉二千餘金均由潛人捐助云
未幾沔陽亦復然逆踞仙桃鎮南岸如故五年乙卯正月
潛江沔陽天門會議合勦知縣龔煥枝檄城守田達三同
邑紳劉崔然楊玉成張開晉范明紱萬時又潘希賢等率
團勇二千人紮仙桃鎮北岸與南岸賊相持天沔練勇後
期不至乃率團勇退保漁泛硤二月荊州貴都統率駐防
兵由漁泛硤濟漢擊逆令田達三與邑紳防河達三請留
輜重於河南岸貴不許抵岳口與逆遇鼓勇直進逆設伏
待之全軍潰都統陣亡輸送輜重夫役死者六百餘人逆

見南岸兵盛不敢渡潛獲保全九月官軍勦逆於仙桃鎮
失利逆上竄逼潛境潛人震恐適四川營官李光榮湖南
營官李錦鑾李保邦等帶兵過潛境龔煥枝從邑紳楊玉
成等議留之與荊州都統魁玉翼長錫齡阿協領伊西布
之兵駐潛防守以保荆沙賊知有備遁去兵勇追敗之自
是賊不敢窺潛江境六年丙辰湖廣總督官文圖規復省
城駐師潛江賊益斂跡而潛境肅清無憂匪之倣擾矣

潛江鄉團防禦擒匪記

潛江與荆沙密邇荊州爲楚中勁兵處沙市又財富數也
天下無事則已或有匪衆蠢動勢必窺荆欲窺荆必首及
潛以故嘉慶間白蓮教匪之亂咸豐間髮匪之亂同治間

潛江舊聞七

九

崇雅堂叢書

擒匪之亂潛江實受其旤教匪髮匪兩役旣述其略矣茲
紀擒匪禍潛始末俾將來談潛邑利害者有所考焉髮匪
之將平也而皖北擒匪又起奸民應之蔓延河南湖北同
治五年丙寅冬十一月擒匪分兩路犯潛一由德安一由
河南意在窺伺荊州也襄河北岸徧地皆賊沿路縱火居
民大恐縣令向時鳴召集士紳劉世蕙楊玉成范明紱潘
希賢等會議募鄉團沿河防堵並檄各鄉團紳許大杰蕭
光宇彭慶琳謝祖潤關俊才孫道瀛劉玉紳陳道揚等督
帶團勇輪防河干邑紳復上書荊州巴將軍請發兵進勦
略謂潛邑濱臨襄河爲荊州之門戶今擒逆上竄爭欲渡
河意在窺伺荊州人所共知其不敢遽渡者恐潛江躡其

後耳然則襄河能守則潛受福荆亦受福不能守則潛受
禍荆亦受禍鄉團烏合豈能當此狂寇加以餉械兩闕展
布萬艱事急然眉危甚累卵不蒙發兵駐守則潛江危恐
荆州亦不得安枕矣將軍得書以兵二千援潛潛勇防河
者得旗兵助守聲威頓壯匪望見南岸軍容甚盛遂巡不
敢渡遂蔓延於河北二十八垸所至焚掠村落爲墟柏臺
團首朱建東聚族而居有幹才慷慨喜任事素爲鄉里望
四鄉男婦老弱紛紛走柏臺避難匪乘機尾入倉猝莫能
辨以爲避難者也夜半火起大股圍至建東急督團勇捍
禦未成列逆猛攻之遂大潰建東死焉先是文憲院團首
張禮榮榮子德元與建東相約拒賊誓死守互爲聲援自

潛江舊聞七

三

崇雅堂叢書

建東死勢益孤而氣不餒十二月初一日勦匪朱家場二
十五日勦匪易家湖六年丁卯正月初八日勦匪陸家莊
迭勝之次日匪復麇集朱家場禮榮父子督團勇迎戰匪
陽敗禮榮等追之墮伏中匪圍之數重德元潰圍出不見
父復入圍中救父出而別股悍匪繼至鏖戰至日暮後無
援父子力竭死同時鄉團以拒匪死者尤衆趙林院團首
張學禮率團勇拒匪於泗港不勝亦以力竭死泥伏院團
首茹小純戰死彭家場計小院團首巴開顯巴尙信戰死
鐘頭尖太平院團首王學斌戰死九項村團勇前後死者
凡三百餘人人民罹鋒鏑者不可勝紀也捻匪之禍蹂躪
河北幾年其未波及全邑者賴有旗兵守河耳然但守

河而不肯進攻焚殺劫掠一聽客之所爲以故河北受害尤酷云

潛江舊聞七

三

崇雅堂叢書

潛江舊聞卷之七終

孫永惇校